

96-
T-6

Na osnovu člana 16. stava 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 114. sjednici, održanoj dana 19.07.2021. godine, donosi

ZAKLJUČAK

I.

Prihvata se Informacija o provođenju postupka preispitivanja vjerodostojnosti podataka u svjedodžbama/diplomama uposlenih u javnom sektoru, nosioca izvršne vlasti i savjetnika nosioca izvršne vlasti u Zeničko-dobojskom kantonu (revizija diploma), koju je sačinio Tim Vlade Zeničko-dobojskog kantona za prevenciju i borbu protiv korupcije i čini sastavni dio ovog zaključka.

II.

Zaključak stupa na snagu danom donošenja.

Broj: 02-37-10230/21
Datum, 19.07.2021. godine
Zenica



DOSTAVLJENO:

- 1x Ministarstvo za pravosuđe i upravu,
- 1x Timu Vlade Zeničko-dobojskog kantona za prevenciju i borbu protiv korupcije, putem Ministarstva,
- 1x Svim kantonalnim ministarstvima i drugim tijelima uprave,
- 1x Svim institucijama (putem resornih ministarstava),
- 1x a/a.

Bosna i Hercegovina
Federacija Bosne i Hercegovine
Zeničko-dobojski kanton

Tim Vlade Zeničko-dobojskog kantona
za prevenciju i borbu protiv korupcije

INFORMACIJA

o provođenju postupka preispitivanja vjerodostojnosti podataka
u svjedodžbama/diplomama uposlenih u javnom sektoru,
nosioca izvršne vlasti i savjetnika nosioca izvršne vlasti
u Zeničko-dobojskom kantonu
(revizija diploma)

Juni 2021. godine

Uvod:

Aktom broj: 5-50-3-1125/17 od 15.05.2019. godine, Agencija za prevenciju i koordinaciju borbe protiv korupcije (u daljem tekstu: APIK) obratila se svim institucijama i tijelima za borbu protiv korupcije u Bosni i Hercegovini sa Inicijativom za pokretanje revizije diploma zaposlenih u javnim institucijama.

Agencija za prevenciju i koordinaciju borbe protiv korupcije kao državna antikorupcijska institucija u okviru svojih nadležnosti propisanih Zakonom o APIK-u ima zadatak da:

- identifikuje i eliminiše uzroke korupcije,
- utiče na lica da ne čine krivična djela u vezi sa korupcijom,
- vrši osiguravanje i unapređenje pravnog okvira za prevenciju korupcije,
- podiže svijest javnosti i stvara odnos netolerancije prema korupciji, te
- promovise transparentan i odgovoran rad tijela i institucija u Bosni i Hercegovini,

Shodno članovima Zakona o APIK-u:

- čl. 7. (c) Antikorupcijski principi: transparentnost i javna kontrola,
- čl. 8. (e) Principi rada: kontinuitet na uspostavljanju i provođenju efikasnih mjera za prevenciju korupcije, njihovim kontinuiranim nadzorom,
- čl.9. Djelatnost: nadležna za prevenciju korupcije i koordinaciju borbe protiv korupcije u institucijama javnog i privatnog sektora kod nosilaca funkcija u zakonodavnoj, izvršnoj i sudskoj vlasti, te javnih službenika i zaposlenika, kao i policijskih službenika na svim nivoima vlasti.

Agencija za prevenciju i koordinaciju borbe protiv korupcije BiH (APIK) zbog konstantnog negativnog pisanja o lažnim diplomama u Bosni i Hercegovini, što dodatno negativno utiče na ionako, generalno, loše stanje u kojem se nalazi Bosna i Hercegovina kada govorimo o korupciji, uputila je pomenutu Inicijativu za pokretanje revizije diploma zaposlenih u javnim institucijama svim antikorupcijskim tijelima u Bosni i Hercegovini da iniciraju proces revizije diploma za sve uposlene u tijelima i organima uprave (zavodima, agencijama) i javnim preduzećima u Bosni i Hercegovini.

1. Pravni osnov:

Pored navedene inicijative APIK-a, da svi nivoi vlasti izvrše reviziju diploma, Vlada Zeničko-dobojskog kantona je na prijedlog Tima Vlade Zeničko-dobojskog kantona za prevenciju i borbu protiv korupcije, a na osnovu člana 16. stav 2. Zakona o Vladi Zeničko-dobojskog kantona -

(Službene novine Zeničko-dobojskog kantona", broj 7/10) – Prečišćen tekst i Zaključka Vlade broj 02-06-807/19 od 16.01.2019. godine, kojim je usvojila Izvještaj o provođenju Akcionog plana za borbu protiv korupcije, na 30. sjednici, održanoj dana 22.11.2019. godine, donijela Odluku kojom se prihvata Inicijativa Tima Vlade Zeničko-dobojskog kantona za prevenciju i borbu protiv korupcije (u daljem tekstu Tim Vlade), za reviziju diploma nosioca izvršne vlasti, savjetnika nosioca izvršne vlasti, uposlenih u kantonalnim ministarstvima i drugim tijelima kantonalne uprave (u daljem tekstu državna služba), uposlenih u javnim ustanovama, zavodima, direkcijama i drugim organima čiji je osnivač Kanton ili se finansiraju iz Budžeta Kantona, javnim preduzećima i privrednim društvima Zeničko-dobojskog kantona sa većinskim vlasničkim kapitalom (u daljem tekstu: Institucije ZDK), a u skladu sa Inicijativom Agencije za prevenciju korupcije i koordinaciju borbe protiv korupcije da svi nivoi vlasti izvrše reviziju diploma.

2. Obuhvat revizije

Revizijom su obuhvaćeni:

- a) nosioci izvršnih funkcija i savjetnici nosioca izvršnih funkcija,
- b) državni službenici i namještenici,
- c) uposlenici kantonalnih institucija (uposleni u javnim ustanovama, zavodima, direkcijama i drugim organima čiji je osnivač Kanton ili se u cjelini ili djelimično finansiraju iz Budžeta Kantona, javnim preduzećima i privrednim društvima sa većinskim vlasničkim kapitalom),
- d) revizija diploma će biti izvršena u 158 tijela uprave i institucija Zeničko-dobojskog kantona,
- e) revizijom diploma će biti obuhvaćeno oko 11.500 uposlenih u institucijama ZDK.

3. Ciljevi revizije

Osnovni ciljevi revizije su:

- a) vratiti i jačati povjerenje građana u institucije Zeničko-dobojskog kantona,
- b) otkloniti bilo kakve sumnje i nedoumice o vjerodostojnosti diploma u Zeničko-dobojskom kantonu (za gore navedene institucije),
- c) Vlada ZDK će po prvi put izvršiti reviziju svih diploma za sve uposlene u institucijama u kojima je ona osnivač, ili se finansiraju iz budžeta što će dovesti do egzaktno informacije da li unutar institucija (oko 11.500) postoje uposlenici koji imaju nevjerodostojne diplome za poslove koje obavljaju,
- d) poslati snažnu poruku opredijeljenosti Vlade ZDK i Tima za borbu protiv korupcije za učinkovitu i angažiranu borbu protiv korupcije.

4. Način provođenja revizije diploma u institucijama ZDK

Institucije ZDK će samostalno provesti postupak detaljne revizije diploma svih uposlenih u skladu sa Uputstvom Tima Vlade i Inicijativom za revizijom diploma kojom su utvrđene mjere i aktivnosti, njihovi nosioci, te materijalno-tehničke pretpostavke za efikasno provođenje.

Provođenje revizije podrazumijeva provjeru vjerodostojnosti podataka sadržanih u svjedodžbama/diplomama i to:

- utvrđivanje vjerodostojnosti diploma stečenih na visokoškolskim obrazovnim ustanovama,
- utvrđivanje vjerodostojnosti diploma/svjedodžbi stečenih u srednjoškolskim obrazovnim ustanovama i
- utvrđivanje vjerodostojnosti svjedodžbi stečenih u ustanovama osnovnog obrazovanja

Odluka, Inicijativa o reviziji diploma (provjeri vjerodostojnosti diploma) i Uputstvo za reviziju diploma u institucijama Zeničko-dobojskog kantona (provjera vjerodostojnosti diploma) objavljeni su na web strani Zeničko-dobojskog kantona (www.zdk.ba – dio „Aktivnosti Tima Vlade za borbu protiv korupcije“).

5. Rezultati provođenja vjerodostojnosti diploma/svjedodžbi (revizije) u institucijama/ustanovama Zeničko-dobojskog kantona

Na području Zeničko-dobojskog kantona postupkom revizije diploma/svjedodžbi obuhvaćeni su zaposlenici 35 (trideset i pet) institucija/ustanova i 102 osnovne i srednje škole i to:

1. URED PREMIJERA
2. STRUČNA SLUŽBA VLADE
3. SEKRETARIJAT ZA ZAKONODAVSTVO
4. STRUČNA SLUŽBA SKUPŠTINE
5. STRUČNA SLUŽBA ZA RAZVOJ I MEĐUNARODNE PROJEKTE
6. SLUŽBA ZA ZAJEDNIČKE POSLOVE
7. MINISTARSTVO ZA POLJOPRIVREDU ŠUMARSTVO I VODOPRIVREDU
8. MINISTARSTVO ZA PROSTORNO UREĐENJE, PROMET I KOMUNIKACIJE I ZAŠTITU OKOLINE
9. MINISTARSTVO ZA RAD, SOCIJALNU POLITIKU I IZBJEGLICE
10. MINISTARSTVO ZA OBRAZOVANJE, NAUKU, KULTURU I SPORT
11. MINISTARSTVO ZDRAVSTVA
12. MINISTARSTVO ZA PRAVOSUĐE I UPRAVU

13. MINISTARSTVO ZA BORAČKA PITANJA
14. MINISTARSTVO ZA PRIVREDU
15. MINISTARSTVO FINANSIJA
16. MINISTARSTVO UNUTRAŠNJIH POSLOVA
17. KANTONALNA DIREKCIJA ZA CESTE
18. AGENCIJA ZA PRIVATIZACIJU ZDK
19. JU SLUŽBA ZA ZAPOŠLJAVANJE ZDK
20. JU CENTAR ZA DJECU I ODRASLE OSOBE S POSEBNIM POTREBAMA
21. JZU ZAVOD ZA BOLESTI OVISNOSTI ZDK
22. ZAVOD ZDRAVSTVENOG OSIGURANJA
23. JU INSTITUT ZA ZDRAVLJE I SIGURNOST HRANE
24. JU KANTONALNA BOLNICA ZENICA
25. KANTONALNI ZAVOD ZA PRAVNU POMOĆ
26. ZAVOD ZA MEDICINU RADA I SPORTSKU MEDICINU
27. KANTONALNA DIREKCIJA ROBNIH REZERVI
28. KANTONALNO PRAVOBRANILAŠTVO
29. KANTONALNA UPRAVA ZA ŠUMARSTVO
30. KANTONALNI ZAVOD ZA URBANIZAM I PROSTORNO UREĐENJE
31. JU PENZIONERSKI DOM SA STACIONAROM
32. KANTONALNA UPRAVA CIVILNE ZAŠTITE
33. KANTONALNA UPRAVA ZA INSPEKCIJSKE POSLOVE
34. ŠUMSKO PRIVREDNO DRUŠTVO ZAVIDOVIĆI
35. UNIVERZITET U ZENICI

Prema dostavljenom izvještaju od strane koordinатора Ministarstva za obrazovanje, nauku, kulturu i sport, koji je bio i obrađivač izvještaja obrazovnih ustanova u Zeničko-dobojskom kantonu (osnovne i srednje škole) konstatovano je da je proces revizije u osnovnim i srednjim školama izvršen izuzev za obrazovne isprave zaposlenika koje su izdate od strane određenih visokoškolskih ustanova koje su provjeru uslovljavale uplatom određene naknade (Univerzitet u Banja Luci, Sveučilište/Univerzitet u Mostaru i Islamski pedagoški fakultet u Zenici). U procesu provedene revizije diploma zaposlenika u obrazovanju na području Zeničko-dobojskog kantona od ukupnog broja provjeravanih obrazovnih isprava za 5614 zaposlenika (od čega 3731 zaposlenika osnovnih škola i 1883 zaposlenika srednjih škola) kod 3 ili 0,05% zaposlenika obrazovne ustanove u procesu revizije nisu mnoge potvrditi vjerodostojnost izdatih obrazovnih isprava, o čemu su blagovremeno dostavljeni izvještaji nadležnim organima Uprave policije MUP-a ZDK i Tužilaštva ZDK radi preduzimanja daljnjih radnji.

Zaključno sa danom 31.05.2021. godine, od navedenih 35 (trideset i pet) Institucija/ustanova, 33 (trideset i tri) institucije/ustanove su dostavile svoje izvještaje (konačne, djelomične), a 2 (dvije) institucije/ustanove i pored urgencije Tima Vlade broj: 02-05-17279-2/19 od dana 19.11.2020. godine dostavljene svim institucijama/ustanovama za dostavu konačnih izvještaja, nisu dostavile izvještaje o postupku provjere vjerodostojnosti diploma/svjedodžbi svojih zaposlenika.

Nakon prikupljenih i obrađenih podataka (predmetnih izvještaja) od strane Tima Vlade, utvrđeno je da je postupkom provjere vjerodostojnosti (validnosti) diploma/svjedodžbi do dana 31.05.2021. godine, obuhvaćeno 7.338 (sedamhiljadatristotinetridesetosam) diploma/svjedodžbi, od kojih je kod 7.166 (sedamhiljadastotinušezdesetšest) utvrđena vjerodostojnost (validnost) istih, kod 129 (stotinudvadesetdevet) diploma/svjedodžbi je postupak provjere u toku, za 35 (tridesetpet) diploma/svjedodžbi potrebna je uplata takse za provjeru istih, a kod 8 (osam) diploma/svjedodžbi utvrđena je nevjerodostojnost (nepravilnost).

Tabelarni prikaz za Institucije/ustanove zaključno sa danom 31.05.2021. godine:

| | |
|---|-------|
| Ukupan broj provjera diploma/svjedodžbi | 7.338 |
| Utvrđena vjerodostojnost (validnost) diploma/svjedodžbi | 7.166 |
| Postupak provjere u toku | 129 |
| Uplata takse za provjeru | 35 |
| Utvrđena nevjerodostojnost diploma/svjedodžbi | 8 |

Kompletan postupak provjere vjerodostojnosti diploma/svjedodžbi (revizije) proveli su:

1. MINISTARSTVO ZA PRAVOSUĐE I UPRAVU
2. MINISTARSTVO ZA POLJOPRIVREDU ŠUMARSTVO I VODOPRIVREDU
3. MINISTARSTVO ZA OBRAZOVANJE, NAUKU, KULTURU I SPORT
4. MINISTARSTVO ZA BORAČKA PITANJA
5. MINISTARSTVO ZDRAVSTVA
6. MINISTARSTVO ZA PRIVREDU
7. KANTONALNO PRAVOBRANILAŠTVO
8. KANTONALNA DIREKCIJA ROBNIH REZERVI
9. KANTONALNI ZAVOD ZA URBANIZAM I PROSTORNO UREĐENJE

10. KANTONALNA UPRAVA CIVILNE ZAŠTITE
11. SEKRETARIJAT ZA ZAKONODAVSTVO
12. STRUČNA SLUŽBA SKUPŠTINE
13. STRUČNA SLUŽBA VLADE
14. STRUČNA SLUŽBA ZA RAZVOJ I MEĐUNARODNE PROJEKTE
15. AGENCIJA ZA PRIVATIZACIJU ZDK
16. ZAVOD ZA BOLESTI OVISNOSTI

Djelimičan postupak provjere vjerodostojnosti diploma/svjedodžbi (revizije) proveli su:

1. MINISTARSTVO FINANSIJA
2. MINISTARSTVO ZA RAD, SOCIJALNU POLITIKU I IZBJEGLICE
3. MINISTARSTVO UNUTRAŠNJIH POSLOVA
4. MINISTARSTVO ZA PROSTORNO UREĐENJE, PROMET I KOMUNIKACIJE I ZAŠTITU OKOLINE
5. URED PREMIJERA
6. KANTONALNA DIREKCIJA ZA CESTE
7. KANTONALNA UPRAVA ZA INSPEKCIJSKE POSLOVE
8. PENZIONERSKI DOM SA STACIONAROM
9. UNIVERZITET U ZENICI
10. SLUŽBA ZA ZAPOŠLJAVANJE ZDK
11. SLUŽBA ZA ZAJEDNIČKE POSLOVE
12. CENTAR ZA DJECU I ODRASLE OSOBE S POSEBNIM POTREBAMA
13. ZAVOD ZDRAVSTVENOG OSIGURANJA
14. INSTITUT ZA ZDRAVLJE I SIGURNOST HRANE
15. KANTONALNA BOLNICA ZENICA
16. KANTONALNI ZAVOD ZA PRAVNU POMOĆ
17. ZAVOD ZA MEDICINU RADA I SPORTSKU MEDICINU
18. KANTONALNA UPRAVA ZA ŠUMARSTVO
19. ŠUMSKO PRIVREDNO DRUŠTVO ZAVIDOVIĆI

Institucije/ustanove koje su djelimično provele postupak revizije, pod rednim brojem 1-10 kao razlog nezavršavanja zadatka navode da obrazovne ustanove zahtijevaju plaćanje takse za provjeru vjerodostojnosti diploma/svjedodžbi u neto iznosima 50 - 100 KM + PDV, te iz tog razloga nisu okončale proces revizije. Ukupan broj diploma/svjedodžbi zaposlenika navedenih institucija/ustanova za koje je potrebno osigurati naknadu odnosno taksu je 35 (trideset i pet).

Pored navedenog, određene institucije/ustanove u dostavljenim izvještajima kao razloge zbog kojih nisu mogle izvršiti provjeru vjerodostojnosti diploma/svjedodžbi svojih uposlenika, a samim tim i kašnjenje u procesu provjere kao i poteškoće sa kojim se susreću, između ostalog navode da nakon što su uredno uputile dopise (obrasce) nadležnim obrazovnim ustanovama, do današnjeg dana nisu dobile odgovore, ili su upiti vraćeni uz obrazloženje i uputstvo da nisu adresirani na ovlaštenu obrazovnu ustanovu zbog pravnog sljedništva ustanove u kojoj je uposlenik (radnik), stekao obrazovanje pa i do toga da je određeni manji broj obrazovnih ustanova prestao s radom, odnosno da je došlo do zatvaranja istih. U takvim slučajevima poslani su novi upiti (urgencije) nadležnim ustanovama/institucijama i čekaju se odgovori.

U dosadašnjem toku provjera ustanovljeno je da nije utvrđena vjerodostojnost za:

- 3 svjedočanstva u MUP - Uprava policije, podnesene krivične prijave, doneseno Rješenje o prestanku radnog odnosa,
- 1 svjedočanstvo – Kantonalna bolnica Zenica, podnesena krivična prijava, prestao radni odnos,
- 1 svjedočanstvo – Metalurški institut „Kemal Kapetanović“, uposleniku prestao radni odnos, nema podataka o podnošenju krivične prijave i
- 3 svjedočanstva zaposlenika iz obrazovnih ustanova, dostavljeni izvještaji nadležnim organima Uprave policije MUP-a ZDK i Tužilaštva ZDK radi preduzimanja daljnjih radnji.

Prilikom obrade predmetnih izvještaja dostavljenih od strane institucija/ustanova, utvrđeno je da 2 (dvije) institucije/ustanove nisu dostavile svoje izvještaje o provjeri vjerodostojnosti diploma/svjedodžbi i to:

- Kantonalna uprava za šumarstvo i
- Šumsko privredno društvo Zeničko-dobojskog kantona d.o.o. Zavidovići.

Kantonalna uprava za šumarstvo u svom Aktu – Izvještaj o reviziji diploma/svjedočanstava zaposlenika Kantonalne uprave za šumarstvo broj: 05-01-30-15655-15/20 od 21.01.2021. godine, informiše Tim Vlade, da je u tom organu uprave započet postupak revizije diploma/svjedodžbi za sve zaposlenike, ali s obzirom na veliki broj uposlenih u tom organu uprave i nedostatku stručnog osoblja koji bi proveli potrebne aktivnosti, ovaj organ je 17.09.2020. godine uputio zahtjeve obrazovnim institucijama za dostavu traženih podataka, tako da do upućivanja samog izvještaja nisu dostavili rezultate revizije jer su do tog momenta samo 2 (dvije) obrazovne institucije (srednje škole) dostavile popunjene i ovjerene obrasce za utvrđivanje vjerodostojnosti svjedočanstava uposlenika.

Šumsko privredno društvo Zeničko-dobojskog kantona d.o.o. Zavidovići u svom Aktu broj: 03-276/21 od 19.01.2021. godine, izvještava Tim Vlade da je ovo privredno društvo započelo proces revizije diploma u mjesecu oktobru 2020. godine za uposlenike društva, te tvrde da je do sada obrađeno više od polovine ukupnog broja diploma, ali te podatke još nisu dostavili Timu. Kao razlog kašnjenja samog procesa revizije diploma navodi se da je zaposleniku (koordinatoru) zaduženom za saradnju sa Timom Vlade krajem 2019. godine, kada je i donesena gore navedena Odluka Vlade ZDK, prestao radni odnos, te da je novi koordinator imenovan tek sredinom septembra 2020. godine.

Kantonalna bolnica Zenica između ostalog, nije u potpunosti provela Odluku Vlade Zeničko-dobojskog kantona za provjerom diploma/svjedočanstava, nego je izvršila djelomičnu provjeru diploma/svjedočanstava stečenih isključivo vanrednim školovanjem, po sopstvenom nahodjenju.

Ministarstvo Unutrašnjih Poslova - MUP u svom Aktu – Konačni izvještaj, broj: 08-01-02/02-1-6410-12/20 od 10.12.2020. godine, dostavljen Timu Vlade izvještava da je u tom Ministarstvu (ne uključujući podatke Uprave policije) od ukupnog broja zaposlenih koji je na dan 10.12.2020. godine, iznosio 188 zaposlenih lica, ukupno izvršena 191 provjera diploma svojih zaposlenika. Od tog broja za 146 državnih službenika i namještenika raspoređenih na radna mjesta sa stepenom tajnosti „povjerljivo“ i „tajno“ provjere su izvršene od strane Državne agencije za istrage i zaštitu i Obavještajno sigurnosne agencije. Za ministra Ministarstva i 39 zaposlenih (40 provjera) su izvršene provjere od strane Ministarstva i tom prilikom je potvrđeno od strane obrazovnih institucija da su diplome validne.

Provjere nisu izvršene za dva zaposlenika sa završenom višom školskom spremom, iz razloga što se od strane Univerziteta „Džemal Bijedić“ i Sveučilišta u Mostaru, zahtijeva plaćanje takse za provjeru diploma u iznosu od 100 KM +PDV.

Tabelarni prikaz:

| Ukupan broj provjera | Ukupno zaposlenih na dan 10.12.2020. godine | Provjere vršene - OSA i SIPA | Provjere izvršene od strane MUP-a | Provjere nisu izvršene | Provjere izvršene – prestao radni odnos po drugom osnovu (penzija, sporazum) |
|----------------------|---|------------------------------|-----------------------------------|------------------------|--|
| 191 | 188 | 146 | 40 | 2 | 3 |

U pogledu dostavljanja ličnih podataka i drugih podataka zaposlenika Ministarstva, isto se poziva na Zakon o zaštiti ličnih podataka, gdje je obavijestilo Tim Vlade da će ustupiti samo

brojčane podatke o izvršenim provjerama diploma, bez davanja ličnih podataka Timu kao korisniku podataka.

Ministarstvo unutrašnjih poslova – Uprava policije u svom Aktu – Izvještaj o okončanoj provjeri vjerodostojnosti diploma/svjedodžbi za zaposlenike uprave policije, MUP-a Zeničko-dobojskog kantona, izvještava Tim Vlade da je tokom provođenja aktivnosti vjerodostojnosti diploma/svjedodžbi za 153 (stotinu pedeset tri) zaposlenika, a predmetnom provjerom je obuhvaćeno 203 (dvije stotine tri) diplome/svjedodžbe, od čega 153 zaposlenika u personalnom dosijeu posjeduje jednu diplomu/svjedodžbu, 38 zaposlenika posjeduje dvije diplome, šest zaposlenika tri diplome i jedan zaposlenik četiri diplome:

Tabela 1. – Broj diploma/svjedodžbi koje su obuhvaćene provjerama

| Broj diploma/svjedodžbi po zaposleniku | 1. dipl. | 2. dipl. | 3. dipl. | 4.dipl. |
|--|----------|----------|----------|---------|
| Broj zaposlenika | 105 | 38 | 6 | 1 |
| Ukupno diploma po zaposleniku | 105 | 76 | 18 | 4 |
| Broj dipl./svjedo. obuhvaćene provjerama | 203 | | | |

Tabela 2. Broj diploma/svjedodžbi po osnovu stepena školske spreme

| Osnovno obrazovanje | SSS III - stepen | SSS IV - stepen | SSS V- stepen | VŠS VI - stepen | VSS VII - stepen |
|---------------------|---------------------|--------------------|------------------|--------------------|---------------------|
| 29 | 52 | 68 | 2 | 29 | 23 |
| 203 | | | | | |

Izvršenim provjerama u potpunosti su okončane provjere za 141 zaposlenika, za dva zaposlenika se odustalo od provjera, obzirom da su isti ispunili uslove za prestanak radnog odnosa po osnovu penzionisanja, za dva zaposlenika obrazovne ustanove (Viša škola za socijalne radnike – Fakulteta Političkih nauka u Sarajevu i O.Š. „Josip Jovanović“ Doboj), nisu bile u mogućnosti izvršiti provjere vjerodostojnosti diplome/svjedodžbe, odnosno potvrditi ili osporiti vjerodostojnost istih, zbog trajnog uništenja arhivske građe uslijed ratnih dejstava u periodu 1991-1995 godine, dok je od strane OŠ „Sveti Sava“ Doboj kao pravnog sljednika O.Š. „Josip Jovanović“ izdato Uvjerenje o završena 4 razreda osnovne škole, dok podatke o završenom 5.,6.,7. i 8. razredu, škola ne posjeduje zbog uništenja dokumentacije uslijed elementarnih nepogoda, a za istu Osnovni sud u Maglaju donio je Rješenje kojim se utvrđuje da je završila osmi razred O.Š. „Josip Jovanović“ Doboj. Za pet zaposlenika nisu izvršene provjere, obzirom da je od strane Visokoobrazovnih

ustanova sa područja Hercegovačko-neretvanskog kantona, zahtijevano da se izvrši uplata takse na ime provjere diploma u ukupnom iznosu od 517,00 KM, dok je za 3 zaposlenika od strane obrazovnih ustanova O.Š. i Srednjih škola potvrđeno, da izdate diplome/svjedodžbe nisu vjerodostojne.

Tabela 3. Rezultati provjera vjerodostojnosti diploma/svjedodžbi po zaposleniku:

| | |
|---------------------------------|-----|
| Okončani predmeti | 141 |
| Odustalo se od provjera/penzija | 2 |
| Nije moguće izvršiti provjeru | 2 |
| Uplata takse za provjeru | 5 |
| Krivotvorene diplome/svjedodžbe | 3 |
| Predmeti u radu | 0 |
| Ukupan broj zaposlenika | 153 |

Vezano za samu strukturu krivotvorenih diploma, te poduzetih mjera i radnji od strane Uprave policije, zaposlenicima Uprave policije kod kojih je provjerama utvrđeno da se radi o krivotvorenim diplomama/svjedočanstvu, doneseno je Rješenje o prestanku radnog odnosa u Upravi policije, MUP-a Ze-do kantona. Također, o rezultatima izvršenih provjera Sektoru kriminalističke policije dostavljena je prikupljena dokumentacija na dalje postupanje, o čemu je obaviješteno i Kantonalno tužilaštvo Ze-do kantona, a navedeni prikaz nalazi se u tabeli:

Tabela 4. Struktura krivotvorenih diploma/svjedodžbi i poduzete mjere

| Broj zaposlenika | Obrazovne ustanove koje nisu potvrdile vjerodostojnost diplome | Poduzete mjere i radnje |
|------------------|--|---|
| 1 | JU Osnovna škola „Branko Radičević“ Banja Luka, OO | - Rješenje o prekidu radnog odnosa - Upoznat SKP - Obavješteno KT Ze-do kantona |
| 1 | Mješovita srednja škola u Novom Travniku – SBK, IV-stepen | - Rješenje o prekidu radnog odnosa - Upoznat SKP - Obavješteno KT Ze-do kantona |
| 1 | JU Mješovita srednja škola Zenica, III- | - Rješenje o prekidu radnog odnosa |

| | | |
|--|--------|---|
| | stepen | <ul style="list-style-type: none"> - Upoznat SKP - Obavješteno KT Ze-do kantona |
|--|--------|---|

ZAKLJUČCI I PREPORUKE

U skladu sa nalazima iznesenim u ovoj Informaciji, a sa ciljem istrajavanja na provjeri vjerodostojnosti podataka koje sadrže diplome/svjedočanstva, predlažemo da:

- Sve ustanove iz vlastitih budžetskih sredstava, iz stavke Ugovorene i druge usluge, izdvoje sredstva potrebna za plaćanja taksi koje svojim pravilnicima propisuju obrazovne ustanove, i što prije izvrše plaćanje i okončaju procese provjere diploma/svjedočanstava,
- Da Tim Vlade za prevenciju i borbu protiv korupcije u narednih 6 (šest) mjeseci uspostavi i redovno ažurira elektronski Registar uposlenih, u kojem će jedan od podataka biti i podatak o provedenoj provjeri vjerodostojnosti podataka sadržanih u diplomi/svjedočanstvu.
- Da se pri svakom novom upošljavanju obavlja provjera vjerodostojnosti diploma/svjedočanstava, te da se izvještaj o izvršenoj provjeri dostavi Timu Vlade za prevenciju i borbu protiv korupcije.
- Da sve ustanove dostave poimenične spiskove sa nazivom radnog mjesta i stručnom spremom na dan 22.11.2019. godine i na dan 31.05.2021. godine, te tačan ukupan broj uposlenih na iste datume.
- Da Kantonalna bolnica Zenica u narednom roku od 3 mjeseca izvrši provjeru svih diploma/svjedočanstava stečenih i putem redovnog školovanja.
- Da rukovodioci institucija Zeničko-dobojskog kantona urgiraju odgovore obrazovnih ustanova koje nisu dostavile odgovore, te da kopiju urgencija dostave Timu Vlade, radi poduzimanja daljnjih koraka.
- Da se unutar institucija/ustanova osigura kontinuitet u radu imenovanim koordinatorima jer su isti prošli adekvatne edukacije i obuke, tako da mogu značajno i kvalitetno doprinijeti prevenciji korupcije u svojim institucijama.

